



**GARIS PANDUAN
PENAWARAN DAN PENDAFTARAN
PROGRAM PENGKHUSUSAN TERBUKA
DI UNIVERSITI MALAYSIA PAHANG**

**PUSAT INOVASI & DAYA SAING AKADEMIK
UNIVERSITI MALAYSIA PAHANG**

KANDUNGAN

1.0	PENGENALAN.....	3
2.0	DEFINISI, PENAWARAN BIDANG DAN KURSUS BAGI PROGRAM PENGKHUSUSAN TERBUKA.....	3
3.0	TATACARA PENDAFTARAN DAN PENGGUGURAN KURSUS BAGI PROGRAM PENGKHUSUSAN TERBUKA.....	4
4.0	PELAKSANAAN PEPERIKSAAN BAGI PROGRAM PENGKHUSUSAN TERBUKA.....	5
5.0	PENGANUGERAHAN SIJIL PROGRAM PENGKHUSUSAN TERTBUKA.....	5
6.0	IMPLIKASI KEWANGAN.....	6

**GARIS PANDUAN PENAWARAN DAN PENDAFTARAN
PROGRAM PENGKHUSUSAN TERBUKA
DI UNIVERSITI MALAYSIA PAHANG**

1.0 PENGENALAN

Garis Panduan ini bertujuan untuk menjelaskan berkenaan dengan penawaran serta tatacara pendaftaran kursus bagi Program Pengkhususan Terbuka (PPT) di Universiti Malaysia Pahang. Garis Panduan ini dibangunkan berdasarkan kepada kelulusan Mesyuarat Senat Kali Ke- 164 Bilangan 7/2020 pada 9 Julai 2020.

2.0 DEFINISI, PENAWARAN BIDANG DAN KURSUS BAGI PROGRAM PENGKHUSUSAN TERBUKA

2.1 Program Pengkhususan Terbuka yang ditawarkan di UMP adalah berkonsepkan sijil pengkhususan program akademik sesuatu bidang dan ianya di tawarkan kepada semua pelajar Ijazah Sarjana Muda di UMP yang berada di tahun dua, tahun tiga dan tahun empat secara *cross* bidang dan pelbagai bidang (*multidisciplinary*).

2.2 Kolej Kejuruteraan, Kolej Teknologi Kejuruteraan, Kolej Komputer & Sains Gunaan serta Kolej Pengurusan & Kemanusiaan yang menawarkan kursus bagi program pengkhususan terbuka akan menawarkannya secara berpakej dan tidak berpakej (mengikut pengkhususan bidang). Bagi kursus berpakej, setiap pakej/bidang mengandungi 15 jam kredit secara keseluruhan. Pecahan penawaran kursus secara berpakej adalah seperti berikut:

- a) Empat (4) kursus berjumlah 12 jam kredit
(4 kursus x 3 kredit/kursus = 12 jam kredit)
- b) Satu (1) kursus berjumlah 3 jam kredit yang bersifat kerja kursus atau kajian kes berkaitan dengan bidang pengkhususan.

2.3 Bagi kursus yang tidak berpakej adalah merujuk kepada kursus program pengkhususan terbuka yang didaftar oleh pelajar secara bebas seperti dibawah:

- a) Mendaftar sama ada satu, atau lebih kursus PPT dalam bidang pengkhususan yang ditawarkan di bawah **SATU** Kolej Kejuruteraan, Kolej

Teknologi Kejuruteraan, Kolej Komputer & Sains Gunaan serta Kolej Pengurusan & Kemanusiaan.

b) Mendaftar mana-mana kursus PPT (sama ada satu, atau lebih kursus PPT dalam bidang pengkhususan) yang ditawarkan di **MANA-MANA** Kolej Kejuruteraan, Kolej Teknologi Kejuruteraan, Kolej Komputer & Sains Gunaan dan Kolej Pengurusan & Kemanusiaan.

- 2.4 Kursus PPT yang ditawarkan adalah bersifat pilihan kepada pelajar dan ia ditawarkan oleh Kolej Kejuruteraan, Kolej Teknologi Kejuruteraan, Kolej Komputer & Sains Gunaan dan Kolej Pengurusan & Kemanusiaan berdasarkan kepada kepakaran yang dimiliki oleh tenaga pengajar.
- 2.5 Pelajar mempunyai pilihan sama ada untuk mengambil kursus PPT secara berpakej (mengambil kesemua lima (5) kursus mengikut bidang pengkhususan) ataupun secara tidak berpakej (mengambil kurang dari lima (5) kursus).
- 2.6 Kursus PPT yang ditawarkan di UMP tidak mengganggu jumlah jam kredit yang diperlukan oleh pelajar untuk bergraduat di dalam sesuatu program akademik yang diikutinya. Pelajar yang mengambil kursus PPT dan lulus akan memperolehi jam kredit tertakluk kepada bilangan kursus PPT yang diambil.
- 2.7 Senarai Bidang dan kursus PPT yang ditawarkan oleh Kolej Kejuruteraan, Kolej Teknologi Kejuruteraan, Kolej Komputer & Sains Gunaan dan Kolej Pengurusan & Kemanusiaan adalah seperti di **Lampiran 1**.

3.0 **TATACARA PENDAFTARAN DAN PENGGUGURAN KURSUS BAGI PROGRAM PENGKHUSUSAN TERBUKA**

- 3.1 Penawaran bidang, kursus PPT serta semester yang terlibat ditentukan oleh pihak Kolej Kejuruteraan, Kolej Teknologi Kejuruteraan, Kolej Komputer & Sains Gunaan serta Kolej Pengurusan & Kemanusiaan berdasarkan bidang kepakaran pensyarah serta telah diluluskan di peringkat Majlis Fakulti dan Mesyuarat Majlis Perancangan dan Pembangunan Akademik (MPPA).
- 3.2 Senarai kursus dan bidang PPT akan dipaparkan di dalam *e-community* pelajar di bahagian *SPT Course Registration* dan pelajar boleh membuat pendaftaran kursus secara dalam talian, empat belas (14) hari sebelum minggu perkuliahan bermula sehingga minggu ke dua perkuliahan.

3.3 Sekiranya pelajar mendapati kursus PPT yang telah didaftarkan tidak bersesuaian dan ingin membuat pengguguran kursus, proses pengguguran boleh dilaksanakan mulai minggu ke (3) tiga sehingga minggu ke (13) tiga belas sepanjang semester tersebut.

4.0 **PELAKSANAAN PEPERIKSAAN BAGI PROGRAM PENGKHUSUSAN TERBUKA**

4.1 Proses *vetting* serta pelaksanaan untuk peperiksaan akhir adalah mengikut proses sedia ada Kolej Kejuruteraan, Kolej Teknologi Kejuruteraan, Kolej Komputer & Sains Gunaan dan Kolej Pengurusan & Kemanusiaan sepertimana yang telah ditentukan oleh Senat universiti.

4.2 Pengesahan bagi penilaian serta keputusan peperiksaan bagi kursus PPT perlu disahkan sepertimana proses pengesahan keputusan peperiksaan pelajar yang telah ditentukan oleh Senat universiti.

5.0 **PENGANUGERAHAN SIJIL PROGRAM PENGKHUSUSAN TERBUKA**

5.1 Pelajar yang mengambil Kursus PPT secara berpakej dan lulus kesemua kursus tersebut akan memperolehi 15 jam kredit untuk melayakkannya mendapatkan Sijil Program Pengkhususan Terbuka (SPPT). Bagi pelajar yang mengambil kursus PPT yang tidak berpakej, jumlah jam kredit adalah tertakluk kepada bilangan kursus yang diambil.

5.2 Pelajar yang mengambil kesemua kursus PPT yang ditawarkan secara berpakej dalam satu bidang akan mendapat SPPT bagi bidang tersebut manakala pelajar yang mengambil kursus yang tidak berpakej akan mendapat Sijil Tamat Kursus (STK) bagi kursus yang diambil.

5.3 Kolej Kejuruteraan, Kolej Teknologi Kejuruteraan, Kolej Komputer & Sains Gunaan dan Kolej Pengurusan & Kemanusiaan boleh melaksanakan majlis untuk penyerahan SPPT atau STK tersebut secara khas untuk meraikan para pelajar sekiranya ingin dilaksanakan.

6.0 IMPLIKASI KEWANGAN

- 6.1 Pelajar boleh mendaftar bagi kursus PPT yang ditawarkan mengikut semester tanpa dikenakan bayaran ataupun yuran selagi pelajar masih berstatus pelajar aktif di UMP.
- 6.2 Pelajar hanya akan dikenakan bayaran ataupun caj sekiranya ingin mendapatkan Sijil Program Pengkhususan Terbuka (SPPT) ataupun Sijil Tamat Kursus (STK). Jumlah bayaran ataupun caj akan dimaklumkan kepada para pelajar setelah mendapat kelulusan daripada Pengurusan UMP dan akan dimaklumkan kepada pelajar.